

錄異記卷之二

錄異記卷之二

異人

李特字玄休康君之後昔武落鍾離山崩有石穴二所一赤如丹一黑如漆有人出於赤穴者名務相姓巴氏有出於黑穴者凡四姓韓氏樊氏相氏鄭氏五姓皆出皆爭為長於是務相約以劍刺穴能著者為康君四姓莫著而務相之劍懸焉又以土為船雕畫之而浮水中曰若其船浮者為康君務相船又獨浮於是遂稱康君乘其土船將其徒卒當夷水而下至于鹽陽鹽陽水神女子止康君曰此魚鹽所有地又廣大與君俱生可止無行康君曰我當為君求康地不能止也鹽神夜從康君宿旦輒去為飛鳥諸神皆從其飛蔽日康君欲殺之不可別又不知天地東西如此者十日康君即以青練遺鹽神曰嬰此即宜之與汝俱生不宜將去汝鹽神受而嬰之康君至礪石上望膺有青練者跪而射之中鹽神鹽神死群神與俱飛者皆去天乃開玄

康君復乘土船下及夷城夷城石岸曲泉水亦曲望之如穴狀康君歎曰我新從穴中出今又入此奈何岸即為崩廣三丈餘而階階相承康君登之岸上有平石長五尺方一丈康君休其上投策計算皆著石馬因立城其傍而居之其後種類遂繁秦并天下以為黔中郡薄賦歛之歲出錢四十萬巴人呼賦為實因謂之實人焉

索起者後漢時湘中人在鄉忽醉三日始醒起吐皆聞酒氣自云起與天神共飲後任漢陽令逆說聖倫有驗白日判陽夜判陰忽乘雲而上天不知所在

契真先生李義範住北印山玄元觀咸通末已數年矣每入洛城徽安門內必改服敬轡馬有李生者不知何許人年就可五十餘與先生敘宗從之禮揖詰其所居有學童十數輩生有一妻一男其居甚貧嘗日不暇給自此先生往來多止其學中異常款狎忽一夕詣印山與先生為別擁爐夜話問其將何適耶生曰某此別辭世矣非遠適也某受命於

冥曾主給一城內戶口逐日所用之水今月限既畢不可久住後三日死矣五日妻男葬某於此山之下所闕者產送終之人少一千錢託道兄貸之故此相囑兼告別矣因曰人世用水不過日用三五升過此極有滅福折算切宜慎之問其身後生計生曰某妻勝執喪役夫姓王某小男後當為僧然其師在江南二年外方至名行成未至間且奇食觀中也先生曰便今入道可乎生曰伊是僧材不可為道非人力所能道此並陰陽品定言訖及晚告去自是累阻寒雪不入洛城且五日矣初審李生之妻與數輩詣先生云李生謝世今早葬於山下欠一千錢云嘗託先生助之故來取耳仍將男寄先生院後江南僧行成果至宿於先生之室因與李生之男委之行成欣然攜去云既有成約當教以事業度之為僧二歲餘行成復至已為僧矣誦得法華經甚精熟焉初先生以道經授之經年不能記一紙人之定分信有之焉果僧材也

李業舉進士因下第過陝山路值暴雨

投村舍避之隣里甚遠村家只有一小童看舍業牽驢底於簷下左軍李生與行官楊鎮亦投舍中李有一馬相與入止舍內及稍霽已暮矣小童曰阿翁即欲歸不喜見賓客可去矣業謂曰此去人家極遠日勢已晚固不

可前去也須臾老翁歸見客欣然異禮延接留連止宿既晚慈留欲備饌業謝再三因言曰孫子云阿翁不愛賓客某又疑夜前去不得甚憂怪及不意過禮周旋何以當此翁曰某家貧無以停賓慙於接客非不好客也然三人皆節度使某何敢不概奉耶業曰三人之中一人行官耳言之過矣翁曰行官領節餞在兵馬使之前秀才節制在兵馬使之後然秀才五節餞勉自愛也既數年不第業從戎暮矣明年楊鎮為仇士良開府擢用累職至軍使除涇州節度使李與鎮同時為軍使領邠州節度業以討完項功除振武邪涇凡五鎮旄鉞一如老翁之言

為常又有巨蛇時出知果叱而遠之蜿蜒而去虎三數頭於庭中月夜交搏騰踏甚知果怒持白挺擊之遂散去知果於觀側獲草兔臥草中不覺手移於他所如猫犬耳其狎異類也如此一旦失所之

矣滿公歸來中同院皆死於難王獨免其禍任公問其所舍再姓謁之失其所在矣黃齋衛隊軍擒樺也常好道行陰功有歲年矣於朝天嶺遇一老人髭鬚皎白顏色櫻孺肌膚如玉與之語曰子既好道五年之後當有大厄吾必相救勉思陰德無退前志其後齊下峽舟船覆溺流至灘上如有人相拯得及於岸視之乃前所遇老人也尋失所在自是往往見之忽於什邡縣市中相見召齊過其所居出北郭外行樹林中可三二里即到其家山川林木境趣幽勝留止一夕因言曰蜀之山川是大福之地久合為帝王之都多是前代聖賢鎮壓萬源穿絕地脉致其遲晚凡此去處吾皆知之又蜀字若去蟲著金正應金德久遠王於西方四海可服汝當為我言之及明相送出門已在後城山內去縣七十餘里既歸亦詰於人終無申達之路數月齊卒

其舌覺而言詞輕利精誦五千言頗有微驗道士郝法遵居廬山簡寂觀道行精確獨力檢校以歷數年全無徒弟忽夢空中法師謂之曰汝無人甚見勤勞今有二童子所恨年小耳既覺話之於眾出山遇民王家有孩子年纔一昨見法遵至來抱其足不肯捨去法遵去後晝夜啼號累日不息法遵至則欣然迎之其父母曰三五年後即捨為童子又一小兒姓劉眼有五色光父母疑其怪異因灸眼尾其光遂絕已四五歲捨在觀中今稍長成相次入道果符玄中募授之語矣

湖南判官鄭郎中堯庭今為連州刺史頃於岳下寄榻其凡魚監亂誕一男當生之時有鶴七隻盤旋居處至七日七鶴又來至百二十日二十七鶴俱來天地晴朗雲物稍異皆經日而去所產之子性頗淳厚儀貌整肅即以鶴為名天復庚申年也四明山道士焦隱黃立傳記其事矣

燉煌公李太尉德裕一旦有老叟詣門引五六輩罪巨木請謁為閹者不能拒之公異而

見之叟曰某家藏此秦寶三世矣某已老矣感公之好奇搜異足以獻爾木中有奇寶若能者斷之必有所得洛邑有匠計其年齒且老或身已歿子孫亦當得其首訣非洛匠無能斷之者也公如其言訪於洛下匠已殂矣其子應召而來視之曰此可徐而斷之矣因解為二琵琶槽自然有白鶴羽翼爪足巨細畢備匠料之微失厚薄不中一鶴少其翼公以形羽全者進之自留其一今猶在民間水部員外盧延讓見太尉之孫道其事

洪州北界大五埠胡氏子亡其名胡本家貧有子五人其最小者氣狀殊偉此子既生家稍充給養秦營膽力漸豐足鄉里咸異之其家今此子以船載麥泝流詣州市未至間江岸險絕牽路不通截江而渡船勢抵岸力不能制沙堆岸崩穴中得錢數百萬棄秦載錢而歸由是其家益富市置僕馬營飾服裝咸言此子有福不欲久居村落因今來往城市稍親狎人事行及中道所乘之馬跑地不進頗謂其僕曰船所抵處岸中得錢馬所跑處

亦恐有物因今左右斷之得金五百兩齋之運來他日復詣城市因有商胡遇之知其頭中有珠使人誘之以其狎熟飲之以酒取其珠而去初額上有肉隱起如半毳子形失珠之後其肉遂陷既運家親及眷屬咸共嗟訝自是此子精神減耗成疾而卒其家生計亦漸亡落焉

宣城節使趙鏗額上亦有肉隱起時人疑其有珠既為淮南攻奪其縣郡鎧為亂兵所害有卒訪其首級剖額得珠而去貨與商胡胡云此人珠既死矣不可復用乃售與塑畫之人為佛額珠而已

趙鶯奴者合州石鏡人也居大雲寺地中初其母孕數月產一虎棄於江中復孕數月產一巨鼈又棄之又孕數月產一夜叉長尺餘棄之復孕數月而產鶯奴眉目耳鼻口一一皆具其自項已下其身如斷級亦有肩夾兩手各長數寸無肘臂腕掌於圓內上各生六指繞寸餘爪甲亦具其下有兩足各一二寸亦皆六指既產不忍棄之及長只長二尺餘

善入水能乘舟性甚狡慧詞賦辯給頗好殺戮以捕魚宰豚爲業每闢船艙及歌竹技詞較勝必爲首冠市肆交易必爲牙保常髡髮緇衣民間呼爲趙師晚歲但禿頭白髮而已或拜跪跳躍倒踏于地形必傑露人多笑之或乘驢遠適只使人持之橫臥鞍中若衣囊高有二妻一女衣食豐足或擊室家力不可制乾德初年僅六十腰腹數圍面目如常人無異其女右手無名指長七八寸亦異於人。

符氏始王閻中新平有長人見語百姓張靖曰符氏應天受命今當太平外而者歸中而安秦問姓名不答俄而不見新平令以聞符健以爲杖下靖獄會大霖雨河滑滿津監寇登得一履於河長七尺三寸人跡稱之指長尺餘文深一寸健歎曰覆載之間何所不有張靖所見定非虛也赦之

吉州東山有觀焉隔灑江去州六十里咸通中有揚善師居焉師有道術能飛符救人觀側有三井一井出鹽一井出茶一井出鼓每

有所闕師今取之皆得食之能療衆疾師得道之後取之無復得矣

邵州城下大江南面潭中昔開元年天師申元之藏遺士之書三石函於潭底元之善三五禁呪之法至今邵州猶多能此術者爲南法焉

白鶴山屬安州湘陰縣接潭潭二州界即晉代陶真君拔宅昇天之所所有陶仙觀在焉山不甚深而兵戈寇盜不可得至居者數百戶晏然無虞處士胡恬卜居於此父爲安州刺史恬獨好道高臥雲林善陰陽緯候星曆推步鍾火黃白之事彭素道易占術篆籀詞賦皆曲盡其能調元鍊氣事以神仙爲格景福年於安州遇上蔡人馬處謙索卜於世憫其瞽疾而致孝於二親學術未至音甘不足因挈入山授其推課之訣歲餘業就遂之出山

時鄂州大旱相國杜洪與恬相遇話及祈禱之事恬爲考召投丹符於江中俄而大霖合境告足厚贖金帛不顧而去雖諸侯辟召皆不能致屈至今猶在山中嘗誠處謙曰吾之

所學爲身也非以爲人以子純孝恭謹故以相教欲豐終身之給黃白之術吾欲言之足以速子之禍天子之命矣非所惜也勿以知數而誇誕輕言以取患夫人資五氣而生有升降陰陽有盛衰五星有運順年命有吉凶然積善者貽福積惡者貽殃視其所履災沴可知耳苟善之不修非禱請所及也由是處謙雖與人言休咎未嘗行禳厭之事是後任蜀爲少將作檢校僕射

錄異記卷之二